

..... ХХК, ОНЛАЙМ НЕТВОРК ХХК-ИЙН СҮЛЖЭЭ ХООРОНДЫН ХАРИЛЦАН ХОЛБОЛТЫН ГЭРЭЭ

202. оны .. дүгээр сарын ..-ний өдөр

№.....

Улаанбаатар хот

Сүлжээ хоорондын харилцан холболтын энэхүү гэрээ нь /цаашид “Гэрээ” гэх/ Дэлхийн худалдааны байгууллагаас гаргасан Зохицуулалтын зарчмууд /Regulatory Principles Reference Paper (RPRP)/, Монгол Улсын холбогдох хууль, Харилцаа холбооны тухай Монгол Улсын хууль, Харилцаа холбооны зохицуулах хороо /цаашид “ХХЗХ” гэх/-оос батлагдан гарсан харилцан холболтын талаарх холбогдох журмууд болон тус тусын байгууллагын дүрэмд үндэслэсэн болно.

Нэг талаас: Онлайн нетворк ХХК /цаашид “Онлайн нетворк” гэх/, түүнийг төлөөлж Гүйцэтгэх захирал,

Нөгөө талаас: /цаашид “.....” гэх/, түүнийг төлөөлж Гүйцэтгэх захирал /цаашид хамтад нь “Талууд”, дангаар нь “Тал” гэх/ нар доорх нөхцөлийг хэлэлцэн тохиролцож, харилцан зөвшөөрснөөр гэрээг байгуулав.

НЭГ. ЕРӨНХИЙ ЗҮЙЛ

- 1.1 Талууд өөрийн сүлжээний хэрэглэгчдийн хэрэгцээг хангах зорилгоор нөгөө талын сүлжээтэй харилцан холболт хийх, үйлчилгээ үзүүлэх хэлцлийн нөхцөл, түүнтэй холбоотой үүсэх харилцааг зохицуулахад гэрээний зорилго оршино.
- 1.2 Талууд харилцан холболт хийхдээ ямар нэгэн ялгаваргүй буюу ижил нөхцөлөөр хандах, ил тод, харилцан ашигтай байх, өрсөлдөөний эсрэг шударга бус аливаа үйлдэл гаргахгүй байх зарчмуудыг баримтална.
- 1.3 Гэрээ нь дараах хэсгүүдээс бүрдэнэ:
 1. Үндсэн хэсэг
 - Ерөнхий зүйл
 - Талуудын эрх, үүрэг
 - Техникийн нөхцөл
 - Ашиглалт үйлчилгээ
 - Төлбөр тооцоо
 - Хүсэлт гаргах, түүнийг хэрэгжүүлэх
 - Хариуцлага
 - Маргаан шийдвэрлэх
 - Гэрээний үйлчлэх хугацаа
 - Давагдашгүй хүчин зүйл
 - Бусад
 2. Хавсралт 1. Техникийн үзүүлэлтүүд, сүлжээний зааглах цэгийн байршил
 3. Хавсралт 2. Сүлжээ хоорондын харилцан холболтын зураглал
 4. Хавсралт 3. Талуудын сүлжээний дугаарлалт
 5. Хавсралт 4. Харилцан холболтын үйлчилгээний тариф
 6. Хавсралт 5. Мэдээлэл солилцох албан тушаалтан, тэдгээрийн хаяг, холбоо барих арга хэрэгсэл
- 1.4 Гэрээний хүрээнд талууд дор дурдсан харилцан холболтын үйлчилгээг үзүүлнэ. Үүнд:
 - 1.4.1 Онлайн нетворк:
 - 1.4.1.1 Дотоод дуудлага хийх
 - 1.4.1.2 Дотоод дуудлага хүлээн авах
 - 1.4.1.3 гарцаар улс хоорондын дуудлага хийх
 - 1.4.1.4 гарцаар улс хоорондын дуудлага хүлээн авах
 - 1.4.1.5 Дотоод мессеж илгээх;
 - 1.4.1.6 Дотоод мессеж хүлээж авах;
 - 1.4.2:
 - 1.4.2.1 Дотоод дуудлага хийх
 - 1.4.2.2 Дотоод дуудлага хүлээн авах
 - 1.4.2.3 Өөрийн гарцаар улс хоорондын дуудлага гаргах
 - 1.4.2.4 Өөрийн гарцаар улс хоорондын дуудлага оруулах
 - 1.4.2.5 Дотоод мессеж илгээх;
 - 1.4.2.6 Дотоод мессеж хүлээж авах;

Энэхүү гэрээ нь байгууллагын нууцад хамаарах мэдээлэл тул өөр бусад этгээдэд хувилж тараах, нийтийн хүртээл болгохыг хориглоно
Энэ шаардлагыг биелүүлээгүй аливаа этгээдэд хуульд заасны дагуу хариуцлага хүлээлгэх болно.

ХОЁР. ТАЛУУДЫН ЭРХ, ҮҮРЭГ

- 2.1 Талууд дор дурдсан эрхийг эдэлнэ. Үүнд:
- 2.1.1 Талууд гэрээгээр хүлээсэн үүргээ биелүүлэхийг эсвэл зохих ёсоор биелүүлэхийг нөгөө талаасаа шаардах.
 - 2.1.2 Гэрээнд заасан нөхцөлийн дагуу гэрээнд нэмэлт өөрчлөлт оруулах, гэрээг цуцлах тухай санал гаргах.
 - 2.1.3 Нөгөө тал буруутай нь тогтоогдвол өөрт учирсан хохирлоо арилгуулахыг шаардах.
 - 2.1.4 Гэрээнд заасан үүргээ зохих ёсоор гүйцэтгээгүй тохиолдолд энэ гэрээний 7 дугаар зүйлд заасан хариуцлагын механизмыг шат дараатайгаар хэрэглэх.
- 2.2 Талууд дор дурдсан үүргийг хүлээнэ. Үүнд:
- 2.2.1 Гэрээгээр хүлээсэн үүргээ шударгаар биелүүлэх.
 - 2.2.2 Гэрээнд заасан нөхцөлийн дагуу төлбөр төлөх.
 - 2.2.3 Гэрээгээр хүлээсэн үүргээ нөгөө талынхаа бичгээр олгосон зөвшөөрөлгүйгээр гуравдагч этгээдэд шилжүүлэхгүй байх, гэрээгээр хүлээсэн үүргээ биелүүлээгүй тохиолдолд хариуцлага хүлээх.
 - 2.2.4 Өөрийн буруутай үйл ажиллагааны улмаас нөгөө тал болон гуравдагч этгээдэд учруулсан хохирлыг холбогдох баримтыг үндэслэн тогтоосон хугацаанд нь нөхөн төлөх.
 - 2.2.5 Гэрээнээс үүдэлтэй маргаантай асуудлыг зөвшилцлийн журмаар шийдвэрлэхийг эрмэлзэх.
 - 2.2.6 Гэрээний үүргээ биелүүлээгүйн улмаас харилцан холболтыг салгах, хязгаарлалт хийх бол ХХЗХ-д 72 цагийн өмнө, өөрийн сүлжээний болон гэрээнд оролцогч талын хэрэглэгчдэд 48 цагийн өмнө урьдчилан мэдэгдэх.

ГУРАВ. ТЕХНИКИЙН НӨХЦӨЛ

- 3.1 Харилцан холболт хийх техникийн үзүүлэлт
- 3.1.1 Талуудын холболтын болон дамжуулах байгууламжийн төрөл марк, интерфейсүүд, харилцан холбогдоход шаардагдах бусад техник төхөөрөмж, багтаамж, тоо ширхэг зэрэг нь Хавсралт 1-ийн дагуу байна. Хавсралт 1-д орсон өөрчлөлтүүдийг тухай бүр тусгаж байна.
 - 3.1.2 Сүлжээ хоорондын дохиолол нь SIP байх ба цаашид өргөн зурвасын дохиоллын бусад протокол ашиглах нөхцөлийг бүрдүүлнэ.
 - 3.1.3 Талуудын станцын цагийн синхрончлолын нарийвчлал нь 10^{-11} байна.
- 3.2 Зааглах цэг
- 3.2.1 Сүлжээний зааглах цэгүүдийн байршил Хавсралт 1-д заасны дагуу байна.
 - 3.2.2 Зааглах цэг дэх техник, төхөөрөмжийн ашиглалт, үйлчилгээг тухайн зааглах цэг байрлаж байгаа тал хариуцна.
 - 3.2.3 Сүлжээ хоорондын харилцан холболтын зураглал, ачаалал дамжуулах замууд нь Хавсралт 2-т заасны дагуу байна.
 - 3.2.4 Талууд зааглах цэгээс хоёр тийш шугамыг таслан шалгалт, хэмжилт хийх техникийн боломж, нөхцөлийг хангасан байна.
- 3.3 Сүлжээний ачаалал
- 3.3.1 Талууд өөрсдийн холбох шугамын ачааллын хэмжээнд хяналт тавьж, шаардагдах зохицуулалтыг хийж ажиллана.
 - 3.3.2 Нэгж шугамд ноогдох ачааллын хэмжээг 0.65 Эрлангаас хэтэрсэн тохиолдолд холбох шугамын тоог нэмэх асуудлыг талууд хамтран шийдвэрлэнэ.
 - 3.3.3 Харилцан холболтын гэрээний хугацаанд хийгдэх өргөтгөл, өөрчлөлт нь харилцан холбогдогч талуудын сүлжээнд нөлөөлөхүйц байвал энэ талаарх мэдээллийг 3 /гурав/ сараас доошгүй хугацааны өмнө нөгөө талдаа мэдэгдэх ба асуудлыг талууд хамтран шийдвэрлэнэ.
- 3.4 Дугаарлалт
- 3.4.1 Талуудын сүлжээний дугаарлалт нь ХХЗХ-оос олгогдсон дугаарлалтын хүрээнд Хавсралт 3-т заасны дагуу байна.
 - 3.4.2 Талууд сүлжээний дугаар шинээр үүсгэх тохиолдолд нөгөө талдаа ажлын 5 /тав/ өдрийн өмнө урьдчилан мэдэгдэнэ.
 - 3.4.3 Талууд нөгөө талын сүлжээнд яриа төгсгөхдөө дуудлага эхлүүлсэн хэрэглэгчийн дугаарыг дуудлага хүлээн авч буй хэрэглэгч дээр харуулах үүрэгтэй.

ДӨРӨВ. АШИГЛАЛТ ҮЙЛЧИЛГЭЭ

- 4.1 Түрээсийн шугам ашиглахаас бусад тохиолдолд зааглах цэгээс хоёр тийш талууд өөрсдийн шугам, төхөөрөмжийн ашиглалт үйлчилгээ, гэмтэл саатлын засварыг хариуцна.

- 4.2 Талууд өөрийн сүлжээнд харилцан холболтын аливаа туршилт, урьдчилан сэргийлэх хэмжилт, шалгалт хийх тохиолдолд ажиллах хугацаа, горимыг хуанлийн 7 /долоо/ хоногийн өмнө урьдчилан тохиролцож, мөрдөн ажиллана.
- 4.3 Талууд харилцан холболтын ярианы өгөгдлүүд нь талуудын төлбөр тооцооны системд зөв ажиллаж байгаа талаар жил бүрийн эхний улиралд багтаан тест хийн баталгаажуулж, протокол үйлдэж байна.
- 4.4 Аль нэг тал нь нөгөө талынхаа үйлчилгээг тасалдуулахгүй байх үүргийг хүлээх ба хэрэв гэмтэл саатал гарвал хариуцсан тал нь шуурхай арга хэмжээ авч, түргэн засварлах буюу нөөц суваг, тоног төхөөрөмжид шилжүүлнэ. Гарсан гэмтэл саатал, авсан арга хэмжээний талаар талуудын техникийн ажилтнууд тодорхой тэмдэглэл хөтөлнө.
- 4.5 Талууд өөрсдийн сүлжээний аюулгүй байдлыг бүрэн хангаж хариуцах ба аль нэг талын буруутай үйлдэл, санамсар болгоомжгүй байдал, сүлжээний аюулгүй байдлаа бүрэн хангаагүйгээс шалтгаалан үйлчилгээ саатах, хууль бус халдлага, дайралтанд өртөх, тасрах зэрэг бүх тохиолдолд буруутай этгээд нь нөгөө тал болон түүний хэрэглэгчийг хохироохгүй байх бүхий л арга хэмжээг авч ажиллах бөгөөд учирсан хохирлыг бүрэн барагдуулах үүрэгтэй.
- 4.6 Талууд сүлжээний ашиглалт үйлчилгээг хэвийн байлгах талаар мэдээлэл солилцох албан тушаалтан, тэдгээрийн хаяг, холбоо барих арга хэрэгсэл зэргийг Хавсралт 5-д заасан байна.

ТАВ. ТӨЛБӨР ТООЦОО

- 5.1 Талууд 1.4-т заасан үйлчилгээнүүдийн харилцан холболтын төлбөрийг Хавсралт 4-т заасан нөхцөлийн дагуу сар бүр хийнэ.
- 5.2 Талууд тоолуур нь гарах ба орох горимд зөв ажиллаж байгаа эсэх талаар харилцан туршилт хийж, баталгаажуулан протокол үйлдсэн байна.
- 5.3 Харилцан холболтын төлбөрийг хэрэглэгчээс нэхэмжлэхдээ тус тусын үйлчилгээний нөхцөлийг баримтлах бөгөөд харилцан холболтын төлбөрийг 1 /нэг/ секундийн алхамтайгаар тооцно.
- 5.4 Талуудын төлбөр тооцооны төвийн ажилтнууд харилцан холболт хийгдсэн ачааллын өгөгдлийг А сарын сүүлийн өдрөөс хойш Б сарын хуанлийн 6 /зургаа/ хоногт багтаан электрон хэлбэрээр харилцан солилцож, Б сарын хуанлийн 8 /найм/ хоногт багтаан тооцоог Хавсралт 4-т заасан тарифын дагуу хийж цаасан хэлбэрээр баталгаажуулна. А сар гэдэгт хуанлийн тайлант сарыг, Б сар гэдэгт тухайн тайлант А сарын дараагийн сарыг ойлгоно.
- 5.5 Хэрэв талуудын ачааллын өгөгдлийн зөрүү нь аль бага талын өгөгдлийн +/-1%-тай тэнцэх хэмжээнээс хэтрэхгүй бол талуудын өгөгдлийн дунджаар, аль бага талын өгөгдлийн +/-1%-тай тэнцэх хэмжээнээс хэтэрсэн нөхцөлд тухайн тайлант сарын тооцоог аль бага талын өгөгдлийн дүнгээр 5.4-т заасан хугацаанд багтаан нийлж, гарсан зөрүүг төлбөр тооцоо хариуцсан ажилтнууд дараагийн тайлант сарын төлбөр тооцоо нийлэхээс өмнө тодорхойлж, дараа сарын төлбөр тооцоонд тусгана.
- 5.6 Талуудын санхүүгийн албаны холбогдох ажилтнууд нь харилцан холболтын ачааллын тооцоо нийлсэн өгөгдлийг үндэслэн харилцан холболтын төлбөрийн тооцоог 5.4-т заасан хугацаанаас хойш ажлын 3 /гурав/ өдөрт багтаан нийлж, илүү төлөлттэй талд нэхэмжлэхийг хүргүүлэх ба төлбөр хариуцагч тал нь нэхэмжлэх хүлээн авснаас хойш ажлын 5 /тав/ өдрийн дотор харилцан холболтын төлбөрийн зөрүүг НӨАТ-ын хамт төлнө.
- 5.7 Талууд харилцан холболтын тооцоо нийлэх ачааллын өгөгдлийг нөгөө талдаа хүргүүлэхдээ сар сараар ээлжлэн харилцан түрүүлж өгнө.
- 5.8 Талууд харилцан холболтын ачааллын өгөгдлийн зөрүүг ачааллын чиглэл тус бүрээр тодорхойлно.
- 5.9 Талуудын ажил хариуцсан хүмүүсийн ажлын зохион байгуулалт, техникийн саатал нь тооцоо хийх хугацааг хойшлуулах үндэслэл болохгүй.
- 5.10 Талуудын холбох шугамаар орж ирэн төгссөн ачааллыг Хавсралт 3-т заасан дугаарлалтаас өөр байхаас үл хамааруулан талуудын үүсгэсэн ачаалал гэж үзэн, харилцан холболтын төлбөр тооцоонд оруулж тооцон, төлбөрийг барагдуулна.
- 5.11 Талууд нь тухайн сард харилцан төлөх нийт төлбөрийн 5 /тав/ хувийг тус тусын талд орлого цуглуулах шимтгэлд тооцож үлдээнэ.
- 5.12 Аль нэг тал өөрийн үйлчилгээний үнэ тарифт өөрчлөлт оруулах бол тайлант сар эхлэхээс ажлын 10 өдрийн өмнө нөгөө талдаа албан бичгээр мэдэгдэнэ.
- 5.13 5.6-д заасны дагуу илүү төлөлттэй талдаа харилцан холболтын төлбөрийн нэхэмжлэхийг тухайн цаг хугацаанд гаргаагүй нь төлбөрийг шаардах эрхийг дуусгавар болгох үндэслэл болохгүй.

ЗУРГАА. ХҮСЭЛТ ГАРГАХ, ТҮҮНИЙГ ХЭРЭГЖҮҮЛЭХ

- 6.1 Талууд нь өөрийн сүлжээнд холбогдох техникийн нөхцөл, холболтын төлбөр, сүлжээнд холбогдон үзүүлэх гэж буй үйлчилгээний талаарх бизнесийн нууц бус мэдээллийг албан ёсоор хүсэлтийг

Энэхүү гэрээ нь байгууллагын нууцад хамаарах мэдээлэл тул өөр бусад этгээдэд хувилж тараах, нийтийн хүртээл болгохыг хориглоно
Энэ шаардлагыг биелүүлээгүй аливаа этгээдэд хуульд заасны дагуу хариуцлага хүлээлгэх болно.

- хүлээн авснаас хойш ажлын 10 өдрийн дотор хүсэлт гаргасан талд гаргаж өгнө. Талууд бусдаас авсан мэдээллийг өрсөлдөөний эсрэг ашиглахыг хориглоно.
- 6.2 Талууд өөрийн сүлжээнд холбогдох боломжийг тухай бүрд нь аль болох шуурхай бүрдүүлж өгнө. Тухайн үед техникийн нөхцөл гаргах боломжгүй байсан тохиолдолд хэдийд уг нөхцөлийг бүрдүүлэх боломжтой тухайгаа хариу мэдэгдэнэ.
- 6.3 Талууд өөрийн сүлжээний дугаарлалтад өөрчлөлт оруулах, нөгөө сүлжээнд шинэ чиглэл үүсгүүлэх, чиглэл өөрчлүүлэх, хаах, холбох шугамын тоог нэмэх тухай асуудлыг нөгөө талдаа тухай бүр ажлын 5 /тав/ өдрийн өмнө мэдэгдэх ба хүлээж авсан тал ажлын цар хэмжээнээс хамааран гүйцэтгэх хугацааг тохирон хэрэгжүүлнэ. Жич: Тухайн дугаарын өөрчлөлт нь харилцан холболтын төлбөр тооцоотой холбоотой бол талууд энэ талаар харилцан тохиролцсоны дараа хэрэгжүүлнэ.
- 6.4 Талууд мэдээллээ албан бичгээр харилцан солилцоно.

ДОЛОО. ХАРИУЦЛАГА

- 7.1 Аль нэг тал нь гэрээгээр хүлээсэн үүргээ зохих ёсоор биелүүлэхгүй байх, эсхүл зөрчсөн тохиолдолд энэхүү гэрээ, мөн Монгол Улсын холбогдох хуулийн дагуу хариуцлага хүлээх бөгөөд нөгөө талд учирсан хохирлыг нөхөн төлөх үүрэгтэй.
- 7.2 Аль нэг тал нь гэрээгээр хүлээсэн үүргээ биелүүлэхгүй байх, эсхүл удаа дараа зохих ёсоор биелүүлэхгүй байх тохиолдолд нөгөө тал үүргийн гүйцэтгэлийг хангах дор дурдсан аргыг шат дараатайгаар хэрэглэнэ. Үүнд:
- 7.2.1 Гэрээгээр хүлээсэн үүргээ биелүүлэх талаар хугацаа тогтоосон мэдэгдэл хүргүүлэх.
- 7.2.2 7.3-т заасан нөхцөлийн дагуу алданги тооцох.
- 7.2.3 Аль нэг тал нь харилцан холболтын төлбөрөө гэрээнд заасан хугацаанаас 3 /гурав/ сараар хэтрүүлсэн тохиолдолд харилцан холболтын хязгаарлалт, салгалтыг хийх.
- 7.3 Алдангийг дор дурдсан нөхцөлд тооцно. Үүнд:
- 7.3.1 Аль нэг тал 5.6-д заасан төлбөр төлөх хугацааг хэтрүүлсэн бол.
- 7.3.2 Аль нэг талын аливаа алдаа эсвэл буруутай үйлдлээс шалтгаалж харилцан холболтын тооцоог 5.4-т заасан хугацаанд багтаан нийлээгүйн улмаас 5.6-д заасан төлбөр төлөх хугацаа хойшилсон бол.
- 7.3.3 Аль нэг тал энэ гэрээ болон хуульд зааснаас бусад үндэслэлээр харилцан холболтын тооцоог нийлээгүй, нийлэхийг хүлээн зөвшөөрөөгүйн улмаас 5.6-д заасан хугацаа хэтэрсэн бол.
- 7.4 Алданги нь хугацаа хэтэрсэн өдөр тутамд төлбөл зохих үнийн дүнгийн 0.3 хувь байна.
- 7.5 Талууд 7.2-т заасны дагуу үүргийн гүйцэтгэлийг хангах аргыг шат дараатайгаар хэрэглэж эхэлснээр буруутай тал хуанлийн 30 хоногийн дотор гэрээнд заасан үүргээ биелүүлээгүй бол нөгөө тал гэрээг дангаар цуцлах ба энэ тухай албан бичгээр мэдэгдэнэ.
- 7.6 7.2-т заасан арга хэмжээг хүлээсэн нь талуудыг гэрээгээр хүлээсэн үндсэн үүргээ биелүүлэхгүй байх болон учирсан хохирлыг нөхөн төлөхөөс чөлөөлөх хууль зүйн үндэслэл болохгүй.

НАЙМ. МАРГААН ШИЙДВЭРЛЭХ

- 8.1 Энэ гэрээтэй холбогдон үүсч болох аливаа маргаан, санал зөрөлдөөнийг талууд зөвшилцлийн замаар шийдвэрлэхийг оролдох бөгөөд зөвшилцөлд хүрээгүй тохиолдолд маргаан, санал зөрөлдөөнийг ХХЗХ-д хандаж шийдвэрлүүлнэ.
- 8.2 ХХЗХ-оос гаргасан шийдвэрийг хүлээн зөвшөөрөхгүй эсвэл ХХЗХ нь хариу өгөөгүй бол талууд шүүхэд хандах эрхтэй.

ЕС. ГЭРЭЭНИЙ ҮЙЛЧЛЭХ ХУГАЦАА

- 9.1 Талуудын эрх бүхий төлөөлөгчид гэрээнд гарын үсэг зурж баталгаажуулснаар /тамга дарах/ гэрээ хүчин төгөлдөр болох бөгөөд 202. оны ..-р сарын ..-ний өдрөөс эхлэн 2 /хоёр/ жилийн хугацаанд дагаж мөрдөнө.
- 9.2 Талууд 7.5-д зааснаас бусад тохиолдолд энэхүү гэрээг харилцан тохиролцож цуцалж болох ба гэрээнд заасан нөхцөлөөс бусад тохиолдолд гэрээг аль нэг тал дангаараа цуцлахыг хориглоно. Талуудын аль нэг нь гэрээг хугацаанаас нь өмнө цуцлахыг хүсвэл энэ тухай хүсэлтээ нөгөө талдаа 2 /хоёр/ сараас доошгүй хугацааны өмнө албан бичгээр мэдэгдэх ба нөгөө тал зөвшөөрснөөр гэрээг дуусгавар болсонд тооцно.

АРАВ. ДАВАГДАШГҮЙ ХҮЧИН ЗҮЙЛ

- 10.1 Гэнэтийн давагдашгүй хүчин зүйлсийн улмаас талуудын аль нэг нь гэрээнд заасан үүргээ биелүүлээгүй буюу зохих ёсоор биелүүлээгүй бол нөгөө талдаа ажлын 3 /гурав/ өдрийн дотор бичгээр мэдэгдэх ба энэ тохиолдолд үүрэг гүйцэтгэх хугацаа нь энэхүү нөхцөл байдал үргэлжлэх хугацаагаар хойшлогдоно.

*Энэхүү гэрээ нь байгууллагын нууцад хамаарах мэдээлэл тул өөр бусад этгээдэд хувилж тараах, нийтийн хүртээл болгохыг хориглоно
Энэ шаардлагыг биелүүлээгүй аливаа этгээдэд хуульд заасны дагуу хариуцлага хүлээлгэх болно.*

- 10.2 Гэнэтийн давагдашгүй хүчин зүйлс бий болсон нь 1 /нэг/ сараас дээш хугацаагаар үргэлжилбэл талууд асуудлыг харилцан зөвшилцөх замаар шийдвэрлэнэ.
- 10.3 Гэнэтийн давагдашгүй хүчин зүйл гэдэгт гал түймэр, газар хөдлөлт, салхи шуурга, аянга цахилгаан, үер усны гамшиг зэрэг байгалийн гамшиг, нийтийг хамарсан үймээн самуун, эмх замбараагүй байдал, ажил хаялт, эрчим хүчний тасалдал, сүлжээний хэт ачаалал, гуравдагч этгээдийн буруугаас сүлжээний үйлчилгээ тасалдах, эсэргүүцлийн хөдөлгөөн, гоц халдварт өвчин, дайн, террорист халдлага, төрийн эрх бүхий байгууллагын шийдвэр, хорио, цээр зэрэг талуудын хүсэл зоригоос үл хамаарах шалтгаануудыг ойлгоно. Давагдашгүй хүчин зүйлд өртсөн тал нь Монголын Үндэсний Худалдаа Аж Үйлдвэрийн Танхимын холбогдох гэрчилгээг нөгөө талдаа ажлын 5 /тав/ өдрийн дотор хүргүүлэх үүрэгтэй.
- 10.4 Гэнэтийн давагдашгүй хүчин зүйлсийн улмаас талууд гэрээний үүргээ биелүүлээгүй эсвэл зохих ёсоор биелүүлээгүй бол хариуцлага хүлээхгүй болно.

АРВАН НЭГ. БУСАД

- 11.1 Талууд харилцан хэвийн үйл ажиллагаагаа явуулах нөхцөлийг алдагдуулах аливаа үйл ажиллагаа явуулахгүй.
- 11.2 Гэрээнд шууд заагаагүй аливаа асуудлыг Монгол Улсын дагаж мөрдөж буй хууль тогтоомжийн дагуу шийдвэрлэнэ.
- 11.3 Гэрээнд талууд харилцан тохиролцсоны үндсэн дээр бичгээр үйлдсэн гэрээний хэлбэрээр нэмэлт, өөрчлөлт оруулж болох бөгөөд эх хувьд засварласан буюу бусад аргаар оруулсан аливаа нэмэлт өөрчлөлтийг хүчингүйд тооцно
- 11.4 Талууд гэрээнд гарын үсэг зурсан өдрөөс хойш ажлын 10 өдрийн дотор гэрээг хавсралтуудын хамт ХХЗХ-д хүргүүлнэ. Гэрээнд орсон нэмэлт, өөрчлөлт бүрийг тухай бүр ХХЗХ-д хүргүүлж байна.
- 11.5 Гэрээг цуцалсан нь уг гэрээний төлбөрийн шаардлага гаргах эрхийг хөндөхгүй буюу дуусгавар болгохгүй.
- 11.6 Талуудын Төлөөлөн удирдах зөвлөл, гүйцэтгэх захирал, өмчлөл өөрчлөгдсөн эсэхээс үл хамааран 9.1-д заасан хугацаанд гэрээ хүчин төгөлдөр үйлчилнэ.
- 11.7 Аль нэг тал энэ гэрээтэй холбоотойгоор нөгөө талын бизнесийн хэвийн үйл ажиллагаагаа явуулах нөхцөлийг алдагдуулах аливаа үйл ажиллагаа явуулахгүй бөгөөд энэхүү заалтыг зөрчсөнөөс үүсэх үр дагаварыг нөгөө талын өмнө бүрэн хариуцна.
- 11.8 Талууд гэрээнд 202. оны ..-р сарын ..-ний өдөр Улаанбаатар хотноо гарын үсэг зурав.

Талуудын албан ёсны хаяг:

ОНЛАЙМ НЕТВОРК ХХК

Улаанбаатар хот,
Хан-Уул дүүрэг, 15-р хороо,
Чингисийн өргөн чөлөө,
Режис плейс 5 давхар, 502 тоот

Бүртгэлийн гэрчилгээ: 9011811374
Регистрийн дугаар: 6473709

Утас: 72117211

Цахим шуудангийн хаяг: info@onlime.mn

..... ХХК

Улаанбаатар хот,
..... дүүрэг, ...-р хороо,
.....

Бүртгэлийн гэрчилгээ:
Регистрийн дугаар:

Утас:

Цахим шуудангийн хаяг:

Гэрээ байгуулсан:

Талууд энэхүү гэрээнд заасан бүхий л нөхцөл, заалтуудыг хүлээн зөвшөөрч байгаагаа нотлон доор гарын үсэг зурж, баталгаажуулав.

ОНЛАЙМ НЕТВОРК ХХК-ийг төлөөлж:

..... ХХК-ийг төлөөлж:

.....
Гүйцэтгэх захирал

.....
Гүйцэтгэх захирал

*Энэхүү гэрээ нь байгууллагын нууцад хамаарах мэдээлэл тул өөр бусад этгээдэд хувилж тараах, нийтийн хүртээл болгохыг хориглоно
Энэ шаардлагыг биелүүлээгүй аливаа этгээдэд хуульд заасны дагуу хариуцлага хүлээлгэх болно.*

Онлайн нетворк ХХК, ХХК
хоорондын харилцан холболтын тоот
гэрээний Хавсралт 1

ТЕХНИКИЙН ҮЗҮҮЛЭЛТҮҮД

Үзүүлэлт	 корпораци	Онлайн нетворк	Тайлбар
Холболтын байгууламжийн төрөл, марк		SWITCH LAYER 3	
Холбох шугамын төрөл, марк, тоо		SIP	
Интерфейсийн төрөл		Gigabit Ethernet	
Бусад	-	-	

СҮЛЖЭЭНИЙ ЗААГЛАХ ЦЭГИЙН БАЙРШИЛ

Зааглах цэг		Тайлбар
Зааглах цэг: Байршил	Жимобайл ХХК-ийн байр, 6-р давхар, Серверийн өрөө	
	Мэдээлэл холбоо сүлжээ ХХК-ийн төв байр, 2-р давхар, Серверийн өрөө	
	Скайтел ХХК-ийн байр, Скайтел плаза, 2-р давхар, Серверийн өрөө	
Зааглах цэг: Тоног төхөөрөмж	ONLINE STACKSWITCH	
Ашиглалт үйлчилгээг хариуцах байдал	Зааглах цэгээс хоёр тийш өөрийн талын тоног төхөөрөмж, шугамыг талууд өөрсдөө хариуцна.	

Хавсралт баталсан:

ОНЛАЙМ НЕТВОРК ХХК-ийг
төлөөлж:

..... ХХК-ийг
төлөөлж:

.....
Гүйцэтгэх захирал

.....
Гүйцэтгэх захирал

Онлайн нетворк ХХК, ХХК
хоорондын харилцан холболтын тоот
гэрээний Хавсралт 2

СҮЛЖЭЭ ХООРОНДЫН ХАРИЛЦАН ХОЛБОЛТЫН ЗУРАГЛАЛ

(Холболтын зураглал)

Хавсралт баталсан:

ОНЛАЙМ НЕТВОРК ХХК-ийг
төлөөлж:

..... ХХК-ийг
төлөөлж:

.....
Гүйцэтгэх захирал

.....
Гүйцэтгэх захирал

Онлайн нетворк ХХК, ХХК
хоорондын харилцан холболтын тоот
гэрээний Хавсралт 3

ТАЛУУДЫН СҮЛЖЭЭНИЙ ДУГААРЛАЛТ

.... СҮЛЖЭЭНИЙ ДУГААРЛАЛТ

Үйлчилгээ	Дугаарлалт
Суурин холбоо	...
	...
Олон улсын гарц	...
Улс хоорондын ярианы тусгай дугаар	...
	...

ОНЛАЙМ НЕТВОРКИЙН СҮЛЖЭЭНИЙ ДУГААРЛАЛТ

Үйлчилгээ	Дугаарлалт
Суурин холбоо	72-00-xxxx
	72-01-xxxx
	72-02-xxxx
	72-10-xxxx
	72-11-xxxx
	72-12-xxxx
	72-13-xxxx
	72-20-xxxx
	72-22-xxxx
	72-23-xxxx
	72-27-xxxx
	72-30-xxxx
	72-32-xxxx
	72-33-xxxx
	72-44-xxxx
	72-50-xxxx
	72-52-xxxx
	72-55-xxxx
	72-66-xxxx
	72-70-xxxx
	72-72-xxxx
	72-77-xxxx
	72-82-xxxx
	72-88-xxxx
	72-99-xxxx

Хавсралт баталсан:

ОНЛАЙМ НЕТВОРК ХХК-ийг
төлөөлж:

..... ХХК-ийг
төлөөлж:

.....
Гүйцэтгэх захирал

.....
Гүйцэтгэх захирал

Онлайн нетворк ХХК, ХХК
хоорондын харилцан холболтын тоот
гэрээний Хавсралт 4

ХАРИЛЦАН ХОЛБОЛТЫН ҮЙЛЧИЛГЭЭНИЙ ТАРИФ

Дотоод ярианы харилцан холболтын үйлчилгээ

Чиглэл		Хаанаас	Хаашаа	Тариф		Онлайн нетворк
Эхлэл	Төгсгөл					
Онлайн нетворк		Суурин	Суурин	ОН	... төг	Баланс
.....	Онлайн нетворк	Суурин	Суурин	...	Баланс	... төг

Дотоод мессежийн харилцан холболтын үйлчилгээ

Чиглэл		Хаанаас	Хаашаа	Тариф		Онлайн нетворк
Эхлэл	Төгсгөл					
Онлайн нетворк		Суурин	Суурин	ОН	... төг	Баланс
.....	Онлайн нетворк	Суурин	Суурин	...	Баланс	... төг

Улс хоорондын ярианы харилцан холболтын үйлчилгээ

Чиглэл		Хаанаас	Хаашаа	Тариф		Онлайн нетворк
Эхлэл	Төгсгөл					
...	Онлайн нетворк	...	Суурин	...	Баланс	... төг
Онлайн нетворк		Суурин	...	...+ОН	...	ОН
			...	ОН	...	ОН
	Тайлбар:	... ОН	... тухайн үйлчилгээний тариф Онлайн нетворкийн тухайн үйлчилгээний тариф			

Хавсралт баталсан:

ОНЛАЙМ НЕТВОРК ХХК-ийг
төлөөлж:

..... ХХК-ийг
төлөөлж:

.....
Гүйцэтгэх захирал

.....
Гүйцэтгэх захирал

Энэхүү гэрээ нь байгууллагын нууцад хамаарах мэдээлэл тул өөр бусад этгээдэд хувилж тараах, нийтийн хүртээл болгохыг хориглоно
Энэ шаардлагыг биелүүлээгүй аливаа этгээдэд хуульд заасны дагуу хариуцлага хүлээлгэх болно.

Онлайн нетворк ХХК, ХХК
хоорондын харилцан холболтын тоот
гэрээний Хавсралт 5

МЭДЭЭЛЭЛ СОЛИЛЦОХ АЛБАН ТУШААЛТАН, ТЭДГЭЭРИЙН ХАЯГ, ХОЛБОО БАРИХ АРГА ХЭРЭГСЭЛ

Онлайн нетворкийн албан тушаалтан, холбоо барих арга хэрэгсэл

Үйл ажиллагааны чиглэл	Алба, хэлтэс	Албан тушаалтан	Холбоо барих хэрэгсэл
Гэрээний асуудлаар	Бизнес хөгжлийн газар	Харилцан холболтын мэргэжилтэн	
Техникийн асуудлаар	Техник ашиглалтын газар	Ээлжийн инженер	
Төлбөр тооцооны асуудлаар	Техник төлөвлөлтийн газар	Биллингийн мэргэжилтэн	
	Санхүү бүртгэлийн газар	Нягтлан бодогч	

..... албан тушаалтан, холбоо барих арга хэрэгсэл

Үйл ажиллагааны чиглэл	Алба, хэлтэс	Албан тушаалтан	Холбоо барих хэрэгсэл
Гэрээний асуудлаар			
Техникийн асуудлаар			
Төлбөр тооцооны асуудлаар			

Хавсралт баталсан:

ОНЛАЙМ НЕТВОРК ХХК-ийг
төлөөлж:

..... ХХК-ийг
төлөөлж:

.....
Гүйцэтгэх захирал

.....
Гүйцэтгэх захирал